


Alkitab Buat Bocah Nampilin



Lahirnya Gereja



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2024 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Pas Yesus mati, pengikut-pengikutNya pada ketakutan dan mereka pada ngumpet. Seudahnya Yesus bangkit dari mati, Dia nunjukin diriNya sama murid-muridNya. Yesus idup! Tapi, Yesus berniat buat ninggalin mereka pegih ke surga dimana Dia terus netep sama Tuhan, BapaNya.






Sebelumnya
Dia pegih,
Yesus janji sama pengikutNya,
Dia bakalan ngirim Roh dari


Allah buat jadi Penghibur ama Penulung. (Yohanes 15:26). Waktunya udah deket! Beberapa ari seudahnya Yesus pegih, Allah Roh Kudus dateng.



Hal ini kejadian. Ampir 120 pengikut Yesus lagi sembahyang bareng dalem rumah. Mendadak, rumah itu dipenuhin ama suara tiupan angin kenceng.



Lidah-lidah api menclok ama masing-masing orang.
Mereka semua dipenuhin ama Roh Kudus, kaya apa
nyeng dijanjiin Yesus!



Di jalanan, murid-murid Yesus ngomong pake bahasa nyeng kaga pernah mereka pelajarin sebelumnya. Orang asing nyeng pada dateng ngedenger murid-murid itu ngomong soal pegawean-pegawean Tuhan nyeng luar biasa dalem macem-macem bahasa. Para pendatang ngerasa

heran, "Apa arti semua ini?" mereka pada nanya. "Mereka mabok anggur," nyeng laen nyindir.




Tapi Petrus ngejawab, "Orang-orang ini kaga mabok...ini nih nyeng disabdain Allah lewat nabi Yoel..." Petrus lantas ngingetin mereka akan berkat ama pertolongan itu.



Petrus bilang sama orang-orang itu mereka kudu tobat dari dosa mereka lantas dipermandikan dalem nama Yesus Kristus. "...dan mestinya kamu tiap-tiap ngasihin dirimu buatzdipermandiin dalem nama Yesus Kristus." Petrus ngejawab. Kira-kira tiga rebu orang

nurutin dia. Mereka ngegabung sama murid-muridNya sebagai penyembah Yesus. Tiap ari jumlah mereka nambah dan gereja dimulain pada ari dimana Roh Kudus turun.



3000



Roh Kudus ngebawa kuasaNya kedalem idup jamaah Tuhan. Satu ari, Petrus ama Yohanes pegih ke dalem bait Allah dan wayahnya buat sembahyang. Orang lumpuh duduk di deket pintu gerbang luar. Dia minta duit sama Petrus ama Yohanes.





Lantas Petrus ngejawab, "Emas ama perak kaga ada sama aku, tapi apa nyeng aku punya, aku kasih ke kamu: Dalem nama Yesus Kristus, orang Nazaret itu, jalan." Lantas dia megang tangan kanan orang itu dan ngebantu bediri. Orang lumpuh itu loncat, bediri dan jalan masuk bareng mereka - jalan, loncat dan nyembah Tuhan.



Orang banyak nyeng lagi ngumpul bareng, heran sama mujizat itu. Petrus bilang sama mereka itu kuasa Tuhan, bukan dari dirinya, karena bikin waras orang


lumpuh itu. Pas Petrus ngingetin orang-orang Yahudi kalo Yesus bangkit, pemimpin bait Allah sambil marah nagkep Petrus ama Yohanes dan masukin mereka ke dalem bui. Biar pegimana, lima



rebuhan orang percaya ama Yesus.



Besoknya, Petrus ama Yohanes berdiri di depan penguasa bait Allah. "Pake kuasa nyeng mana atawa dalem nama siapa kamu berbuat kaya gitu?" Penuh ama Roh Kudus. Petrus ngejawab dengan berani, "... dalem nama Yesus Kristus orang Nazaret, nyeng kamu salibin, tapi udah dibangkitin Allah dari antara orang mati, karena Yesus itu orang ini berdiri dengan sehat sekarang



ini didepan kamu."



Kaga takut lagi Petrus nerusin, "...sebab di bawah kolong langit inin kaga ada nama laen nyeng dikasih sama manusia nyeng olehnya kita ini diselametin." Karena kaga pengen orang-orang percaya sama Yesus, pemimpin-pemimpin ngelarang keras sama Petrus ama Yohanes. "Mulain sekarang jangan kamu ngomong sama siapa aja dalem nama Yesus."





Petrus pernah ngalamin rasa takut buat bediri dan ngomong buat Yesus. Tapi itu sebelon Roh Kudus dateng. Sekarang kaga ada satu orang juga nyeng bisa bikin dia takut.





Petrus ama Yohanes ngejawab,




"Silahkan kamu putusin dewek mana nyeng bener di depan Allah: nurut sama kamu atawa nurut sama Allah. Sebab mustahil bagi kami buat kaga ngomong soal apa nyeng udah kami liat dan udah kami denger."



Abis ngancam keras,
pemimpin-pemimpin
itu ngelepasin
Petrus ama
Yohanes.
Pembantu-pembantu
Tuhan nyeng berani
itu bilangn sama
sohibnya segala
sesuatu nyeng
terjadi sama mereka
di bui ama pengadilan.



Lantas
mereka ngadain
pertemuan doa
ama puji-pujian
nyeng gede.
Lagi, Roh
Kudus menuhin
jamaahNya
pake kuasa ama
gereja kecil
makin tumbuh
dan tumbuh.



Lahirnya Gereja


Sebuah cerita dari perkataannya Tuhan, Alkitab

Ditemuin di

Cerita Para Rasul 1-4

"Palang pintu Firman Engkau ngasih terang."
Mazmur 119:130





| 55

||||| 60



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

